

朔州誌序

朔爲邑遙控長城外連大漠古墩野成迴環盤護雖僻在一隅實邊陲要害其牽綴彈壓關繫倍他州也往昔逆姜播虐虐虐劉人民朔生齒之繁文物之盛變蕩彫落大異厥昔

皇清湛恩穢澤與民更始十餘年生聚教訓漸見王道之成然兵燹之後記載闕焉國有史邑有誌徵古今存美刺也郡大夫侯君慨然曰是余之責也夫因於治政之暇力任其事旁搜校核三載告成余覽之卒業其所謂勿華而奇勿誕而疎昭然具在眞良史才也夫學者折衷孔子昔春秋以筆削進退植綱扶倫春秋絕而爲史史散而爲誌則一邑之誌考其

登記號 71261

37年8月3日

913.714
8732

記載可以知時世之盛衰教化之歟慝忠孝節俠之隱而弗彰者藉誌以傳奢儉制度之沿而非法者藉誌以正吏茲土者大書煌煌俾十百世指而循之猶得謂某也賢某也否凡有位者惕然有聲名久遠之懼則宜

王化淑民情恪官守誌誠不可一日闕也是役也侯守遷秩南服以余雲中數載與聞始終屬余爲序余惟採摭筆削侯君之力余何敢掠然余因披覽誌乘翼然于尊

天王敬百姓也後之君子尙其邁哉是爲序

中順大夫知大同府事東牟蔡永華撰

朔州誌序

州之有誌曷昉乎昉于歷代之有史也代非史無以跡朝野之治忽鏡人物之臧否驗政事之脩墜綜風土之饒瘠故古君子舉綱張目考義就班文辭一軌於雅馴遞勒一書俾後之覽者悠然會心不啻親拱揖于其時也遐稽作者遷固由來尙矣降是廬陵涑水纚纚洋洋斯皆卓乎其選已後之郡國州邑規其義類而成誌尸厥任者或臨屆之游宦或土著之達人銳然以興起斯文爲責耳而目者咸筆于書凡其地名宦鄉賢忠貞孝烈城郭宮室田賦均徭文藝灾祥靡不採輯而表章猗歟校讎一成其裨益豈渺淺哉救時之材知所

矯革考古之彥迪其見聞高曾遺之子孫不生耳食之嘆篇
帙播之遐邇可當臥遊之觀胥于是誌焉賴之然文不務其
華惟其雅體不務其奇惟其當事不務其誕惟其眞目不務
其疎惟其脩倘不出乎此而一切圖爲炫觀美駭聽觀者以
是號于人曰史才史才則未也余持斧按山右之四郡上谷
雲中前此之例不與會

新命萃而責余一人之身故厥宇得一一攬轡而周咨焉巡雲
中諸屬臨朔州之墟覽其形勝驄馬徘徊曰美哉眞表裏山
河也顧又復念此州以兵燹之餘城郭人民半非疇昔其誌
猶有存焉者乎事竣回晉陽此州侯牧者果修舉憲綱祀典

之成更欲重釐州誌丐余言以弁其端竊自循省是役也義
不可辭且董率屬僚補緝缺略夙志者匪伊朝夕矣豈其任
相遺而顧謝之耶輒忘其固陋岡恤乎糠粃之譏綴以數言
且併爲侯牧勗曰事實勿虧乎前義例勿損于舊且蹲鴟雌
霓之辯亟與正之剝蝕漶沒之餘亟與增之前所謂華其文
奇其體誕其事疎其目者槩使勿進若雅若當若眞若備者
編訂之間蓋亦三致意焉至夫朔之利病於何興除媿惡於
何懲勸通變不倦以煥一隅之新猷匪異人任侯牧苟勉旃
是言余必逆知來者之睟望而遠志矣庶幾附朔誌而並不

朽云

賜進士第巡按山西兼管屯田監察御史加一級前內翰林國

史院庶吉士濟南伊闢撰

朔州誌凡例

一按山西省誌式遵一統誌朔隸山西則州誌當唯省是式夫省誌古晉之乘也出自董狐司馬氏筆爲後世作史者祖鼻總目凡二十其義正其文簡而不俚無可議者故舊誌編門分類一以爲楷今仍因之即間有商補不敢作聰明亂舊章也

一疆域星野不有圖考何以審形勢察祲祥而爲制馭修省之記故繪以圖而詳其說爲臥涉方輿坐觀乾象者便考鏡也

一朔在禹貢爲綏服非龍盤虎踞之區即漢王信請治馬邑

僞劉武周竊據鄆陽非正統也明嘉靖間分封樂昌王自
代邸入朔衣租食稅凡三世焉舊誌書爵書位列一義于
公署之上今則刪之而姑爲統論俾後有所考也

一職官朔明初曾設軍門未幾移駐陽和嘉靖間添設兵憲
糧府衙門今奉裁焉唯存州衛分治軍民因邊陲近成腹
裏又裁衛併州故誌之俾後人知沿革所由也

一省誌有雜誌所錄祥異仙釋及諸雜事朔無仙釋亦無雜
事可紀故特以祥異誌之俾守牧者知所恐懼修省也

一文章舊錄太繁至收司牧薦獎卷軸及舊有誥勅綸言殊
非誌體故悉刪之唯於學校壇廟碑記及忠臣孝子節婦

傳錄與諸名公題詠有關風教者或緣文以紀事或因言以徵誌稍存之非獨省繁文所以崇大體也

一誌分六卷各有總目目各有說間有小目引列於總目之後以悉總目之所未及舊俱一例書之嫌於無辨今於總目特用大書小目則照常書之所以一體裁也

一舊誌有說有論今刪論存說內有不合時宜者刪補之類取切於近事即不係總目者亦各爲說所以註事實也

一纂輯新誌逸其文者猶存其名不敢埋沒往蹟載其事者必考其實亦不敢阿諛時事總以去繁就簡傳信不傳疑有識者所當共諒也

重修朔州誌跋

朔雲中支郡也自己丑屠殘室廬燬廢人煙幾斷丙申之春
屏受事茲土見城郭規模居然名區而荒涼景象慘人心目
竊意循覽往蹟勉圖修復必文獻乎是徵乃詢舊誌僉曰亡
矣搜索數年得殘缺一二冊欲窺全豹無由幸故老猶有存
者尙能言往昔事失今不修足徵不益難哉歲戊戌

按臺伊巡省雲鎮

屏

以此上請首可之因賜弁言諭以雅而當

毋華而奇眞而備母誕而疎

屏

不辭謏陋即擬竭蹶從事適

有州衛裁併之議

命尙未下因思州與衛分民而治有年矣一旦裁而併之是又

朔州縣志 跋
一番開闢也可不敘述以誌沿革且事有尙需申請釐定者何敢造次入編今里甲賦役粗有次第始與紳衿中老成博治者共襄厥事彙編入帙至其分卷列目一依舊誌爲式即所謂雅者當者眞者備者未必有合然所謂華者奇者誕者疎者務憂憂乎去之期無負

臺之教云爾載考州誌初自州守李君邦直踵而修之則有畢君鸞許君爾忠最後爲翁君應祥皆一時名流稱著作手屏何人斯敢爲效顰但以數年前朔之蠱壞已極而今又值亨屯之始不可使後之人無所取徵焉故僭爲編次以作傳聞之郵若夫興革勸懲竊亦有志柰力弗逮何請以俟後之

君子

岿

順治歲次庚子季夏之吉朔州知州關中侯

樹屏謹識

朔州誌目錄

卷之一

輿圖

沿革

星野

卷之二

山川

土產

田賦

戶口

風俗

祠祀

卷之三

公署

職官

名宦

鄉賢

卷之四

學校

選舉

人物

卷之五

古蹟

祥異

武備

卷之六

藝文

山川

土產

田賦

卷之七

輿圖

沿革

里制

卷之八

附錄